

Dr. Wu's Works on Theosophy

Comprising:

"Dialogues on Theosophy"

"Outline of Theosophy"

"Elementary Lessons on Karma" (translation)

"Information for Enquirers"

Published by the

China Publication Fund

P. O. Box 900

Shanghai



無高
於真
理之
宗教

伍廷芳
證道學說

* 895.1 WU
DT.

Dr. Wu's Dialogues
on Theosophy





Wu Tingfang



序言

伍公庭芳中華民國之大賢人也生平不苟言行不求奢華事以道德爲準繩余甚敬之民國九年時先生居於申江提倡道德通神學（後公改爲天人明道學卽今之證道學）每於星期四日嘗招中西會友聚會於其家研究各宗教之實理天地間深邃莫明之秘理人身中之熱能故余得近伍公久之結成道義之交伍公每當公事餘暇卽津津與各中西會友言證道學諸理余見其理論實有裨益於世道人心故筆之以貢獻於世此乃作是書之原由也書中要旨莫不顯而易明且博通三教無軒輊之分至奧妙之處又以科學證明之尤能令人明了伍公本從耶教於釋儒道三教前實茫然無知迨屆暮年始專心致志以學似有心得故有如是之確論是非天特俾之伍公使其爲光明正大之人乎當日者余嘗思筆以付刊而冗忙輒不果今伍公已矣使是書而猶不貢獻於世裨益於人心世道者不將湮沒無聞而負伍公當日語人之一片婆心哉是以重編成帙付之梨棗文字之工劣不暇計也

民國十二年正月廿一日求真子序於申江證道會太陽會所

先生素來好研究證道學敢問其道之由來及其宗旨

此答頗長願先生耐聽之

人爲萬物之靈有理想能判善惡能自強自衛能製百物巧奪天工如飛機潛艇留聲機攝影機無線電千里鏡顯微鏡無線電話諸巧物人可謂靈極矣至於科學一途如幾何代數物理格致化電星光催眠術靈子術長生衛生諸術無一不盡研究精益求精世界中有形有象之物幾無一不瞭如指掌而於道德一道不加考求神鬼之事視若無有甚者至不信乎天地上帝後至十九世紀之末歐洲諸國間有博學者見天下有形之物發洩殆盡乃轉而向無形中用工

於是始行研究鬼學西曰 Spiritism 及諸不明之事其名曰 Occultism 繹其意謂秘理當是時追求者不乏其人或追明鬼學而致有
 關亡之術現在英法德美無不盛行有或扶鸞而問難決之事與中國相若惟是有靈有不靈故未得人深信而研究其事者人亦不寡
 專求心理學如千里傳意之術西人名曰 Telepathy 或注重在人
 身上之蠶能西名曰 Latent power 此能數種(一)爲意能即催眠
 術可將己之意過人使受術者不由自主而聽施術者之指揮(二)
 爲內意能此是將己之意施之于內而不施之于外也其略是將己
 之意存於丹田使電力充足能由十指而出然後以治人疾病(三)

爲醒能其略是謂人身內有七關竅一居頂門二居後枕三居背骨四居尾閭五居臍下六居心領七居眉間以上諸各關具有奇能人不用之故蟄於人身中若次序觀之以意則其諸部自然復醒而爲其人所用乃用此能以觀無形諸世界及一切未來已往之事第四種爲太陽能其略乃每早向太陽吸收其光依法收入胃中及脾部久之則身上太陽光足自然強壯及長生也第五種爲念能其略乃靜坐存念慈悲仁愛之心爲入手久之使心性純善再加以別種念頭如其性急者每坐則存性慢性柔之心久之其人自得一完全之善性及善品行已達此之後再存壯身之念則身久之而壯耳其六

是神能其略爲人之神是身之僕每日每時爲情慾所使日夜忙碌而不能自安其舍若能諸念皆息靜如太虛則自守舍而能令其人使魂出諸身外而觀有形無形諸世界也其法是先放魂離身一二尺則收回後放三四尺又收回由近而遠使之純熟然後使其遠也第七是定能其略是將內脈跳及一切五臟諸運動在己掌握之中使定卽定使動卽動此種定能是用以大定其身使之出舍成有實能之氣身也以上七種諸法皆是科學多來自東方惟其中有一二科是西人自出者各有全科之書歐美中諸博士多有學之者前五十年考究秘理諸人中有一波蘭女子名巴氏者其人天生聰慧並

善英文由此得以涉覽諸秘理科學歐美中自出諸科經已學就之後再到印度苦心學其文字言語文成之後再行考求印度中及西藏之秘理既學就之後知天下諸教本自一原教主之心本於一善無非以教人救世爲宗旨實無端可爭所不同者在於禮節上而已於是天下爲一家合諸教爲一理之心遂萌惟是雖有是心而無是力且無人可助己以成其志由是往美國希冀有人之可助己者惟到美時無一人相識惟是自知此志是於天下有大益者天必有以助之由此日日出外遊行借此以識人忽一日逢一美國退伍將官（柯而覺）法律博士其人素潛心秘理精通各教二人實可稱志同

道合於是交談之下一見如故二人同心協力設法以達其志合天下各教爲一家之目的由是設立證道學會之意起于是(柯而覺)介紹其諸同志與巴氏逢面各人亦崇拜巴氏與柯博士學識於是在一千八百七十五年始設證道學會於紐約城其旨如下(一)合天下各教徒爲一家無分界域人種階級顏色及信仰(二)專窮究亞洲文教及理學(三)窮究天然中不可思議之理及一切人身中蟄然未醒之奇能其初來者殊衆惟是美國人多是不信神鬼者物質上實事上用心此種議論似不合於當時加以耶蘇天主二教人居多證道學雖宗旨純正仍每每受其攻擊且著作又極少以伸明

斯道故當時不能盛行於美國且 Theosophy (卽證道學) 一道初時之宗旨與今日之宗旨有多小不同雖此學於太古時經已有其源惟至於中古時代此道方現於歐洲其始發出此道者是一瑞士國醫士僞名(扒喇司勞喇氏)其真名是(崩巴司得氏)其人素好點金術及萬病金丹術常抵毀當時之醫科以致國中醫士盡與爲仇故至棲於窮鄉僻巷之間改易其名但由此靜寂冷落之境地得以研究出火哲學其略謂天地大靈實是火無一不是藉火而生因火而變體故上帝在天然世界中兼在其神火之中故萬物有體必有光若能明白神火之真理及世界萬物之變化則可成聖成仙投

胎奪舍也。崩既悟明此理之後，演理於中歐洲，入其門者甚衆。其中英國名士羅拔夫律 (Robert Elms) 亦在然。此學乃證道學之始者也。其後至十七世紀之初，證道學說再行於世。其始者名 (龐氏) 德國秘理家也。業鞋匠，好讀新舊約聖經。每有暇時，則靜坐寡言，內觀淨慮，淘滌其心。平生著述甚夥。然生時未嘗付剗及死後爲一主顧。客人所得見其理想高超，乃將以出世。從其學者亦甚衆。其中有英國名士二人，一爲 (瑪利亞毛氏) 一爲德國 (威廉氏)。德國大哲學家 (克枝勞氏) 稱其爲當代之最大哲學家。其學說之大略謂人有三體，與上帝同。世界萬物皆由真一而出，真一之能像於世界三

物一爲火二爲光三爲神人與天神皆由此火而來光與仁是上帝分入人與神之心者若三事去一則其人先天之生命已去其一其一去後卽其二不能長耳故人不能長其生者是三事不能長存也三體中止有神體是長存故有永生之命於死後如其人在生時心存上帝仁愛如他若能除清世慮一心默朝上帝則上帝能與吾人交通而受其神光火之加增也龐氏之證道學是純耶教也此卽證道學之由來也至巴氏時始行加入亞洲各教諸秘理而成今日之證道學會當時巴氏與柯而覺將官二人手創於美國紐約城惟見不能盛行於美國乃到印度馬省亞地亞城居住初到其處又無

事業況又是一俄國波蘭人故居停月餘爲政府所疑每一出必有偵探尾其後極其不便柯而覺乃親與巴氏往見駐印度之美領事將其二人由美來印度實欲考求印度文字及諸教實非政府偵探等事求美領事代爲交涉然後英政府方止其偵探二人於印度馬省時行奇跡柯而覺行不藥之醫術以治人疾病不取分文巴氏代人查無頭緒之事無不立破所爲之事人皆以爲神助有詰之者巴氏則謂此種事跡人人身中具有此蟄能不過隱而不發耳如能依法醒之則人皆可爲之其法是巴氏在西藏時得自其仙師者據巴氏云其先師是數百歲之人乃在世助上帝之治人事者特授學術

與彼使其出以助世教世止各教之紛爭證天下各教之道是由一而來示天下人萬物是由一大生命而來又示世人實不死因死實是變體易身而其靈身實無變易也巴氏後以此意註成二書一名天地之秘理卽 Secret Doctrine 一名世界之真相名 Isis Unveiled 皆一千餘篇其內容是以實理及科學証明天地之秘理發明前人所未發書成之後請晏彌秘仙氏 Annie Besant 潤詞及校正因巴氏爲俄人未敢自信其英文中無沙石也晏彌秘仙氏校正是二書之後親往叩見巴氏五體投地求其收爲門下巴氏允許乃傳授心法與晏氏即現在之總會長著述有百餘本書之多現七十餘歲尤

精力若少年每日尙著述至夜深由晏氏統宗之後証道學遂大行於世至一千九百十九年由英國人名卡德者始傳入中國此乃證道學之由來也

問 入證道會有何益處

答 人皆曰我入證道學有何實益處修道則云不能使成仙釋者謂不能令我成佛豈知不入證道學又可成仙成佛乎成佛成仙之事必須由道德而起白玉蟾曰未有不聖賢之神仙入證道學至小能向道德上做工夫能向心神上尋快樂能去本來之獸性能得多幾個真心朋友能看多幾本書以致多明些道理能得各

教之精要而生出一個普通的觀念能知人身上之各體如光體思想體種種能知人身上有光有色發露人之思念能看輕生死能知世界果有鬼神之憑據能高尚自己之行爲以免因果之報能一洗從前之污濁性格皆受甘苦而不動其心能恕人（或當時無明火起惟是過後無存恨於心）能得靜坐之功以養自己之身體能令自己修檢自己之行爲能知做人實在之功用身心之樂身心之益奚止孔子所謂益者三樂損者三樂樂節禮樂樂道人之善樂多賢友益矣且能去損己之樂去驕樂好佚游去宴樂且入證道學之人若常來聚會必能成君子之上達必能有高

尙之所好去不正當之所好如是之益益莫大焉

問 以上之益如此已悉其大畧願更進而問證道學者以何爲自立之宗旨

答 多數人以爲入證道學會必可以與鬼神往來交通或見鬼神此亦是證道學之一部份惟此卽如盲者學易經全在占卦謀食一節此豈聖人作易之大意哉易經之用是窮理盡性之學卜卦是其一小部份耳證道學之英國名是天理或天道亦是窮理盡性之學非專以見鬼神而設也此學也包羅甚廣各教之眞理全在天下之事物物皆考究出其眞理有形無形之顯象考究人

如何生天如何有天下各教諸理無一不細心窮究證明其眞僞處格物之功用若夫大學之所謂卽物窮理至誠至化之教法此自化化人是證道學者素守之宗旨鬼神一道是其格物中之一科耳願諸君毋太注意於此則要注意者是自化化人之功用窮理盡性之實學惟須身體力行之首一件要存普通觀念以觀天下各教造物者天下之大神靈英人號曰 God 卽耶蘇天主教教之所謂上帝也佛教之所謂佛也世尊也道教之所謂鴻鈞也玄始也回回教拜火教亦各自有其名號也其名雖殊其爲天下之大神靈則一也此大神靈亦由道而有證道學者實是學天道

故須破除教界上向天道及神靈求己之作用故雖耶蘇天主皆可得而學之不失爲上帝之子女佛教者學之不失爲沙門弟子儒教不失爲聖門弟子回教亦不失爲麻罕密特之徒故證道學者須知各教皆由天道而來吾人乃實向天道做功夫又何嘗不是各聖人之徒也既明此則可將天道身體力行也行天道卽執天之行之謂也執天之行者非聖卽賢故先以聖賢自視然後可以明道之本原出於天而不可易體備於己而不可離須求諸身而自得之去乎外誘之私而充其本然之善而至聖神功化之極方可自化化人此證道學之實目的也加以輕己之身以重智慧

然後勤於窮理以多觀書多聽理然後能豁然貫通以至學不厭
誨不倦能達此方知尙德方知修身至能修身尙德食素清血靜
坐參禪六通之能自至鬼神可以自見靡獨見鬼神而人之光亦
可見（因善人有大光）然後方知從前自己修德修身之實用因
修德修身光然後能大光大然後人可以易於從己之言自己方
能言必有理言必中道有若聖人之謂從容中道聖人也此是學
證道學者自化化人一節之最要者也

問 證道學與道教孰優孰劣

答 實無優劣之別此問題若明了答之則非數百頁之書不能解

明二處之同點今只有大略答覆證道學中之修性修命煉氣煉神外功內功實與道同老莊已道盡矣不過老莊之時未有科學證明今日證道學設於二十世紀之時得科學證明之故似優而實非也

問

印度與中國如此之崇信神佛何以如是之弱乎

答

弱有二種一爲表面上之弱一爲精神上之弱印度與中國弱於表面而實強於精神也弱於表面之由非原於崇信神佛實原於政治科學及器械也強於精神者即長於哲理是將來人羣上之首領也今日歐洲如此糜爛實因表面之強精神之弱所致也

今日大戰之後歐洲知進於科學退於精神之害故德國有發起每星期演講儒與道二次而法國又多繹佛經及社會各國實行佛與道之大同加以證道會在世上多至八千餘處獨美與英二國之地多至七十餘處其中所教之理大半是道與佛由此數事觀之將來天下人羣宗教之首領捨佛與道其誰也且表面之強一時也精神之強永久也表面之強得地土也精神之強得其心也由此觀之又何嘗弱乎加以信神佛之國若能良於政治科學及器械自可橫行於世界今日之日本是其證也豈可謂國之弱乃崇信神佛所致乎

問 我是耶教徒入證道會聽如來老子各教主之道於耶教似有悖求解明不悖之理

答 入證道學實不悖耶教分門戶是世人自作實非天帝之心也今請以譬喻解之有一大富之鄉先生有羊數萬用數牧者牧者甲乙丙丁戊五人黎明之時領羊出至日暮領羊歸甲之羊有入乙羣乙之羊有入戊羣丙丁之羊亦然數人必不爭何也因羊同是一主之畜過羣又何害焉數人之心只有保護引領之責使其安與不失而已天帝如大富鄉先生牧者即天下諸教主其心是令人羣安而不失其道此人牧之責也甚至由耶入回道佛各教

亦是不悖天道況證道會哉加以耶教聖經有云雖一雀死我必知之一鴉失養我必飼之如此則一回回教人所養之雀死時上帝亦知之一小鴉失養於佛教人園林之中上帝亦必飼之況汝是上帝之分身是上帝之子女乎苟心地良善存仁守義入何教而能失上帝之眷顧乎

問 證道學內有一科靜坐養身法坐時須掃除雜念使思想專一然後方可以有成惟爲人則必慾念紛紜煩惱侵擾故請問有何法可以去煩惱及一切雜念

答 能空自無煩惱惟空一字包括甚廣其意甚深不易明白今再

下一轉語則曰退後一步想則有法去煩惱耳不逐念則雜念自消蓋煩惱之來多由此數節一爲貪二爲慾三爲情四爲爭五爲畏死欲去此數節之煩惱須於平時造功夫非於靜坐時造功夫也故當有念來則以理自空之故止貪念以知足止慾念以養身止情念以四大假合止爭念以無我止畏死念以永生若如此煩惱又何能至乎

問

貪欲難厭得隴望蜀世人通病敢問何以制之

答

世人素不知足所以生貪念貪念一生則煩惱隨至苟知足貪念自無則煩惱便少耳因食則欲美食衣則欲鮮衣居則欲高樓

妻則欲美婦一有不遂則貪念便生煩惱遂至譬喻人住高樓我住茅屋可退後一步想我在家較之出路鞍馬風塵跋涉之苦者行船受風浪危險者還好人食美食我食藜藿清茶淡飯較之有病時一點食不下者還好人衣狐裘我穿綿衣較之乞者無衣可穿還好人有美妻我有醜婦較之鰥夫無妻有病無人服侍衣食操作無人代勞者還好我入息少較之無入息者及欠人債者還好我雖愚魯較之顛狂者還好我今貌不及人較盲者還好我強健雖不如人較之傷症者還好我口才不如人較之啞者還好我今少好友較之發麻瘋無人親近者還好我今不能安車代步較

之跛者還好我才學不如人較不識字者還好我今日有疾病較之欲死不得者還好我今日無僕役較之爲人役者還好由此觀之各事須退後着想有如古人云休恨眼前田地窄退後一步自然寬爲官雖貴有若籠鷄有食自食其力者有若野鶴無糧所謂籠鷄有食湯燭近野鶴無糧心自寬加以萬事由天窮通有命前生種下今世收成不應與數強爭加多妄想貪求致招煩惱

問 何爲因果

答 因果是天地間一大公無私之律動與反動二理也凡天下之事有施必有受有作必有應有擊必有回擊之勢若撞鐘焉大撞

則大鳴小撞則小鳴不撞則不鳴撞是因鳴是果施是因受是果因此施之回擊勢或曰反動力擊回己身而化自作自受之果若此足蹴石蹴是施石之被蹴是受石之拒足而反動以至足受痛是自作自受之果若不施則無受又無受之反動力以至足痛因果之理是如此可以類推如欲明白透徹可閱晏彌秘仙氏所作之因果淺義因此書闡發極詳也

問 以上所講是因果之理但人之因果有何實據可以證明之請爲一解以開未悟

答 因果之據是有的惟是要引別事方可證明也君見乎天下有

相命掌之三術乎言人之幽吝壽夭窮通間有至極應驗者此種學理是由古人閱歷得來今日泰西各國亦有相腦學相面學觀掌學亦是由閱歷得來者靡獨人有相可預知其一生之貴賤及品格而獸亦有相可預知其品格古人有相馬之法今日其法尙見於武備志有相貓之法今日尙有識之者如貓相一說內有云腰長必過家耳大懶如蛇面長雞種絕諸如此類將其法以觀無一不驗者由此可知一生之品格是有預定不能改易也人之貴賤品格壽夭窮通亦是有先定故爲聖者必有聖之相命爲皇者必有皇者之相命爲公侯將相者亦然爲學士詩人者亦然其人

兇者必有凶相吉者必有慈相淫者必有淫相貞節必有正相橫死者與壽終正寢者其相必有可預定之處若能將相命掌學諸書研究一番卽知各事是果有預定不能移也旣信有先定然先定之者爲誰必曰由天或曰由上帝旣如此天何故定有等家財萬貫富甲天下有等貧無立錫一生勞苦又有等安車駟馬有等沿途丐食有等體魄強壯有等胎生跛盲彼貴而此賤彼樂而此苦天理本大公上帝本大慈何其不公不慈若此乎故以預定歸咎於天與上帝是不能立之論也昔日耶蘇之徒見一胎生跛者沿街乞食問耶蘇基督此人何故如此之苦也耶蘇答曰彼自己

有罪或其父母之罪使之如此也然則據耶蘇之判必非謂此人在胎內有罪其人在母胎之時無知無識豈能犯罪此必是其前生之犯罪以至下一生受苦也所以佛謂人之真意是人之主宰真意如何施則來生人身如何受故曰欲知前世因今生受者是欲知後世果今生作者是後世之果雖不得而見之者前生之因則向相命掌預定之顯像可得而知也若天者前生必好殺壽者前生必戒殺窮者前生必鄙吝富者前生必好施賤者前生必惡毒貴者前生必慈善由此可知天道無親常祐善人是因果輪迴至公之理也天理既是至公必不偏向既不偏向非天之咎也是

非天爲之乃自爲之也既自爲之是作因於前生自受之是受果於今生也此相命掌是由因果印出來使知相命掌者可預定其品格及壽夭窮通使無得怨天地之不公也

問 死足畏乎

答 此問題我須借二人問答以解釋之

問 人如何畏死

答 因以爲生是樂死是苦

問 何以爲生是樂死是苦呢

答 因爲生境是知死境是不知

問 何以死是不知

答 因爲生見富貴榮華食養色樂或自不能盡有而亦見人得享死中境苦樂未有人去過回來呵

問 試問生時之享樂境是由何來是由天來耶

答 非也是由數來

問 何以有數

答 因有定

問 何以有定

答 因有作

問 何以有作

答 因有前生

問 何以有前生

答 因有靈魂

問 何謂靈魂

答 靈魂是真意

問 何謂真意

答 真意是真我

呵既知此則人實未有死耳何以故因我今日之生我由前日之

死我而來我今日之享受苦樂乃前日之死我作來因有定而有數因有數而有命因有定而有富貴天壽之相命皆是自作自受既是自作自受雖欲極長生命該死不能生既命定不能改畏懼亦無用加以死後之境或是更樂亦未可知實畏懼無用耳

第二層我今日之享受苦樂是前者之我定來我今日之我可定來日之我之苦樂境必耳若我做好人存好意去無明生智慧則來生之我必勝今日之我耳我又何以畏懼死乎因不由死不能得一更勝今日之景也第三層我今日之軀壳以衰老不能適用食色動息遠遜少年由其歿而後能得一少年之身以享身體上

之適意我又何必畏死乎第四層我今日爲人父祖爲子孫憂勞若身死無憂及爲子孫得人爲我憂我又何畏死乎第五層我既有真我於假我之內則身死卽假我死我之真我必有去向此去向是死我之境既有境去是實未有死耳又何畏死之有

問 既有因果萬物之生死必有因果然則殺生而食亦必無罪耳此論是否的當請爲開導

答 萬物之生殺是有因果在內此卽是有數存焉如古人所謂一飲一啄事皆前定又如耶教聖經云雖麻雀之死上帝亦必知其死也是數其食也亦是數必矣惟是不殺生者仁也見其生而

忍見其死者不仁也則不同耳譬喻父與汝二十元月用汝用以尋快樂或用以恤貧寒亦汝之事汝未有過份也惟是有益無益仁與不仁之別耳故殺生而食之其物之死於汝口腹是定數則食之者無罪也惟不忍見其死而爲汝所食是仁也仁者是天地之生機擴而充之聖賢仙佛可冀於今生來世也

問 先生此論果是的當然則證明道學者之食素是純然爲仁乎
答 是不獨仁於物又實仁於己我以一事案之汝則明矣有一老人食不消化夜不能安睡老疾纏身自覺做人無樂趣自願速死不知人身既老消化力不足以致不能安睡精神由此薄弱因而

老疾纏身苟能食素非中國之冬菇腐竹之素乃衛生素食則食必消化夜必安睡而精神強壯老疾自滅矣故我謂食素不獨仁於物而亦仁於己者也

問 何謂衛生素食

答 衛生素食乃外國人之素以雞蛋牛奶奶油乳餅爲君以蔬果穀粟爲臣

問 食素能長生我知之耳有謂仙術可以長生可得聞乎

答 何爲仙術長生我不得而知也因我未見過如此之人惟是道家大都以精氣神爲作用亦未嘗無理也蓋人身實賴此三者以

生三者之中有缺一則康健失矣有二缺乏則疾病至矣三者皆缺其人不久死矣

問 求先生將三者與人身之關係處證明之

答 人身之精氣神是天地之眞火也天地萬物日月星辰賴火而有也各物之生賴火一節可於別時再論我目下只講人身賴火以存一節世界無論何火皆有光熱力三者此三者可比人身之精氣神精不足則力缺氣不足則熱缺神不足則光缺故精足則力足氣足則熱足神足則光足又故火力足則熱足熱力足則光大此定理也是以人身之眞火須養之儉之則其燃得久火之長

即生命之長也所以蓄其精者氣必足神亦隨之而強神強則腦壯氣旺則胃壯精多則腎固所以道家號人身之腰腎部爲下丹田黃庭中部爲中丹田頭部爲上丹田夫田者種物之地也丹者醫藥也種成此三種丹藥以醫病也夫精者生生之本氣者消化之本神者運用之本故人之身必賴生化運然後方能存也故精衰者不能生育於外生血於內也氣弱者不能生煖氣於外消化於內也神乏者不能作事於外運用於內也故欲長命者必先節慾戒酒如此則精自足精足則可以生血化氣氣足則消化力足消化力足則身中之陳謝可補而神足矣神足則運用身中各部

之力自足如此則人身中之真火方能燃長而不易熄也所以魏伯陽曰神與氣精常欲去若能留得住使之不去可以長生此道家保生之大略也

問 人身之光體有何實據可以證明之

答 天下之物莫不有光因天下之物以太陽光爲生命之原素也加以本身之生氣亦由天然真火而來此真火卽中國之謂陽氣是先天之生命太陽之光 是後天之生命既先天亦是火後天亦是火豈有火而不發光乎惟地球亦是由先後天之火而成其發光則比萬物所發出者必更大如夜有明月則羣星不見此非羣

星不在也因月之光大而令羣星隱約也日間何嘗無星因太陽之光烈星之光小故不得而見之也惟於日蝕時間有見星者（按當清末之年九月一日午時日蝕有星見於其旁中國天文號之曰太白經天）此人身有光體之理也加以證道學家以真理爲據以聖者爲懷散天下各教紛爭爲目的發前者未見之理爲宗旨純然天理爲心豈敢亂言惑衆乎加以今日科學昌明惑人之說豈能長存乎今日科學家見證道學者謂人身有光體一說而疑之故設法考求其說之有實據否未能得其法後至一千九百〇八年英國有一電學專家名 Dr. Miller 堅拿者新發明

出一鏡可見人身之光此人現在倫敦聖湯姆氏醫院當電科醫士之職並出一書名人光總論 *The Human Aura* 書內有言明照人光鏡之製法其法如左用一玻璃箱內放酒精及棕色顏料其鏡造法非常簡易所費亦無幾造就時可見人身外有灰藍色之光圍繞附近人肉之上有一層以太其色黑以太之上是內光內光之上是外光其色比內光更淺人身之光各有不同顏色之深淺不同絲紋之顯像不同女子之光比男子更大幼童之光由小至十三歲其光之大小男女亦同惟更長則女子之光更大矣光之色普通是藍色微雜灰色惟身壯弱者不同顏色有病者無

光已死者無光人執電機時若干人震及電帶之類其光則忽然不見惟約一分鐘久其光回來則比未見時更大也有等不獨有
人身之灰藍色更有白光氣由肩與腰部射出此種光氣不大光
亮有霧氣受火光所照之淡白色用鏡觀光之時須在暗室之中
以布簾蔽窗惟簾須離窗尺許使光不直射但橫射於簾之兩旁
若房全暗全光皆不見也此說已由科學證明無庸多疑也

證道學會要旨

Outline of Theosophy



證道學前者伍先生命其名
曰天人明學此篇乃是書之
原序故仍留其名惟書內之
名則改爲證道學

證道學會要旨序

世界自有人類以來。因其衝動而有是非善惡之可言。而所謂是非善惡。恆苦無一定之標準。甲之所是。乙之所非。此以爲善。彼以爲惡。人類缺乏中心之信仰。瞋行盲進。強者務爲恣睢。懦者甘於放廢。此皆由大道不明。信仰不專。人心無一定之維繫故也。明哲之士。當知人爲之政治法律風俗習慣等。所以範圍人心。陶冶德性者。其爲力至微。返本求源。乃竭誠於宗教。世界宗教之創立。如佛孔耶回等所標立之教旨。皆原於天而證諸人。所發明者。在乎天人之際。天與人關係之理。既明。則人生觀可以確立。理得其真。心有所主。物我一體。

爲善最樂。一切功利競爭之說。迂僻詭異之行。國家種族畛域之見。不能重擾吾人。世界於是大同矣。吾人所以竭誠於宗教者爲此也。

一八三一年布刺畫斯崎女士 (Blavatsky) 受

上帝命。降生俄國。一八七五年。偕數道友組織天人明道會於美國紐約城。閱數年移至印度國馬達喇士省。卽今天人明道總會。其宗旨在構成人類大團體之基礎。舉前此宗教哲學科學所未能澈底解釋之理。皆從而解釋之。并不反對其他宗教。今其道推行各國。分會約八千餘所。稱極盛焉。鄙人初聞此會。距今已十餘年矣。自是購讀其書。見其論證甚廣。地球如何創成。人類如何發始。將來如何結

果。人生在世應如何做事。人死後若何。陰間景況若何。發明前人未明之事。確有證據。非向壁虛造。侈言神怪之比。故深信其道。思與世人公同研究之。因述本會要旨。都爲八章。并得王君與輯助力。於去年冬間脫稿。王君研究佛學有年。有志於道。故樂請飲助焉。至內容紀述。鄙人固負完全責任也。惟本會發明事理。賅括宏廣。非短篇所能盡言。亦非一時所能遍舉。茲篇萬不及一。不過撮其大略而已。夫人之生死。後來之境況。關切人生最爲要重。誠望閱者勿以鄙言爲河漢。減少求利競名之時候。細究此理。誠人類之福也。如諸君欲知其詳。則現在中西人士。已在上海設立天人明道會。從而質詢。必有

以饗諸君子聞道之渴念者。語云。天道難知。特謂其難耳。非竟不可知也。仲尼有言。我欲仁。斯仁至矣。誠意求道。何獨不然。使大道日明。世人於因果輪迴之理。靈魂肉體之分。豁然明達。吾人之所當爲及其所不當爲者。了於心而見於事。棄惡從善。趨吉避凶。尙有沈湎於權利之爭。而日以傾軋殘害同類爲事者乎。吾弗信已。

中華民國十年六月伍廷芳序

道德通神會改名證道學會之原因

此會名由英文翻譯其英文係

Theosophical Society

按照原文字

意。是『神智會。』查近日所刊英華字典。譯解『通神會。』惟恐閱者未知內容。疑本會與鬼神通處。誤爲旁門左道。故添道德二字。表明宗旨正大耳。近仍有西士函評通神二字尙未妥當。請斟酌再改。是以與友人研究討論。再定名證道學會。其理由詳述於下。謹按世界宗教。其原皆出於天。其所研究主張之理。卽天與人關係之理也。若泛言天道。而忽略人事。或徒論人事而蔑視天道。均不能以天道管攝人事。及以人事證明天道。繁言冗說。終是不明。不明卽不通。欲

恃此化導衆生。甚難覺悟。故談天道者必須有統系。有證據。以科學之條理。求大道之指歸。切於人事。當於人心。使人易知易明。不使人迷惑失據。天道人事。一以貫之。到此境界。謂之天道人道。均無不可。惟此種道理。經數千年宗教家道德家反覆陳說。尙苦其未明。故中國漢代儒家董仲舒云。『天人之際。甚難明也。』卽指此理而言。今將神人死生及靈魂肉體種種未易說明之道。求所以明之。故定名爲證道學會。

證道學會要旨目錄

頁數

第一章	證道學會之緣起及其宗旨	一
第二章	世界之種類及生死之因果	三
第三章	世界宗教之狀態	八
第四章	證道學會與宗教哲學科學之關係	一一
第五章	證道學會之功用	一四
第六章	人類本能之圓滿	一六
第七章	修道	一一
第八章	結論	二四

證道學會要旨

新會伍廷芳

第一章 證道學會之緣起及其宗旨

嗟哉。芸芸衆生。逐逐名利。而不知人生之絕大問題。更有千萬倍於名利者。官爭於朝。商爭於市。流民爭於野。武人爭於各方。爭競愈烈。糜爛愈甚。浸淫漸漬。釀成今日不可收拾之世局。果誰階之厲耶。以衆生不了幻有之名利。迷失固有之元良。未得愚得。既得愚失。貪著心重。而生死心乃切。究之生者必死。死者又生。生死輪迴者衆生之幻象。而不生不滅者此性之眞常。衆生不悟此性。而迷執幻忘名利。惜哉。

上帝憂之。一八三一年，特派巴刺畫斯崎女士（Blavatsky）降生俄國。一八五一年，遇仙師之後，囑往印度西藏三載。一八七四年，適美。遇律師阿魯谷（Olcott）氏。一八七五年，巴阿二人及數道友，乃組證道學會於美國紐約城。閱數年，會移印度馬達喇士省。（Madras）蓋即現今證道學總會云。目今推行各國，分會約八千餘所。稱極盛焉。其會友各國各教均有之。因於本人信仰之宗教，毫不反對。可以輔助各教，解釋前此不明之理。宗旨如下：（1）構成人類同胞大團體之基礎。無種族宗教男女顏色等級之區別。（2）振興比較宗教哲學科學。（3）研究自然界之未解律，及人類之潛能。宗旨正

大光明。賅括甚廣。故前此反對者。今多信仰該會。以其視天下爲一家。勸人行善。不爭權利。種種利益人類故。後人皆明其宗旨和平。宗之者遂衆。

第二章 世界之種類及生死之因果

古往今來。事理無窮。屬於精神的。或物質的。隨時發明。未可限量。吾人斷不能膠執成見。以前此未見未聞。謂必無其事。今人輒謂稟質之靈。莫人類若。世界之大。莫地球若。此種觀察。鑄成大錯。不知地球之外。復有恆河沙數世界。壽命之延長。境界之愉快。百千萬倍於地球者。比比皆是。(參照華嚴經華藏世界品便知) 卽如華人於百

數十年前。閉關自守。不達外情。以謂支那文明。獨一無二。晚近留學英法美德等國。始知外人科學發達。物質文明。有非吾國所能及者。由是推之。吾人未見之世界。其有超過地球百千萬倍者。未可知也。上帝主宰有七世界。茲就其近於吾人者言之。一凡塵世界。(Physical Plane) 二精慾界。(Astral Plane) 三思想界。(Mental Plane) 凡塵世界者。即肉體界是。情慾界者。即喜怒哀樂等作用是。思想界者。即心思流露是。

大地生人。一稟造化主之精靈。蓋吾人之靈魂。皆從上帝之靈火分光而來。然靈魂既爲

上帝之靈火。胡爲乎衆生品格。各有不同。因人自稟性成形而後。必須種種磨鍊。乃成完人。如石中寶玉。須經種種琢磨。乃成美玉。人類亦然。靈火下降三世世界中磨鍊。最下爲凡塵世界。世人死亡。以其離凡塵世界而進於情慾界故。特往彼世界之後。仍須作種種事業。曷嘗死卽斷滅也。世人畏死。實誤認死之一字耳。死者其身。不死其性。死猶未死耳。由凡塵而沒者。往情慾世界。其所享之境界。仍視凡塵世界作業之善否以爲斷。其善焉者得果良。惡焉者得果劣。種種磨鍊。因果不爽。例如在凡塵世界。有損害他人之事。未及報應。後在情慾世界。仍然負此責任。終須償還。又如凡塵世界吸烟者。在情慾世

界烟癰之種子仍存。此人在情慾世界經練百年或數百年。則種子消滅。再往思想世界。住世甚久。

由思想世界。再入凡塵世界者。又受種種磨鍊。百餘年後。再往情慾世界。其受磨鍊如前。後往思想世界。由思想世界。復生爲凡塵世界衆生。如此往返輪迴。不知經幾何度也。

此三世界。由凡塵而情慾。而思念。種種情事。名爲一世。由思想而情慾。而凡塵。亦謂一世。世人不察。以爲一死便了。如此輪迴往返。經歷幾何時者。即使經驗磨鍊爲完全之善人也。中間爲男之後。必須爲女。爲女之後。必須爲男。以僅知爲男或僅爲女。不知男女兩方之完

全經驗。未必能爲完全人格也。又如今世爲中國人。再生或爲英美日本等國人。爲英美等國人之後。又必須爲中國人。或別國人。如是經驗。乃能有完全之人格。推之紅種黃種。莫不皆然。又如生長爲富貴之人。或生長爲貧賤之人。或始富貴而繼貧窮。或始貧賤而繼富貴。或爲富不仁。再來爲苦力。或苦人修善。再來爲富貴人。皆由上帝特派神明分配世人之富貴貧賤。一準善惡之實際。纖毫不爽。世人不明此理。乃疑

上帝之不公。殊不知神明主宰吾人之地位。皆視吾人善惡業之種子。毫無容心於其間也。吾人現在世間。若何思想。若何言論。若何情

實。神明皆洞若觀火。如數掌珠。然今生美惡。實緣前生之善惡。故今生善惡。卽知來生之美惡。前因後果。相習相成。但或善或惡之權。均操自我。語曰。禍福無門。惟人自召。信然。

第三章 世界宗教之狀態

宗教教育實行。有範圍世界之功能。科學教育普及。無約束人心之能力。何以故。吾人處五濁惡世。貪欲橫行。社會日益紊亂。個人與個人爭。而世界亂。國家與國家爭。而世界愈亂。各國設立學校。厲行科學教育。醉心功利。競爭生存之說。深入人心。歷有年所。究之歐戰不能弭。海牙仲裁裁判不能實行。祇緣科學教育之實際。力量薄弱。(

按歐洲自厲行科學教育以來，不免流弊。一方面助成黷武主義之發達。一方面增長個人之慾念。卒釀成近年歐戰。爲世界空前之大慘劇。故科學爲明哲所詬病。但平心而論。科學自身。本無善惡之可言。科學猶刀也。用以造物利用則爲善。用以傷人毀物則爲惡。科學固無容心於其間也。人類如能本愛人互助之德性。應用科學。則見其利而不見其害。此當分別觀之。）弗若宗教教育擴張之後。堪以轉移人心。教化世道故。

上帝派諸大聖賢。次第誕生。創立各種宗教。如中國之孔孟。組織孔教。率天下以仁義。釋迦牟尼。如來。組織佛教。率天下以慈悲。乃至耶

耶穌、天主、謨罕默德、婆羅門、等各聖賢。降生各國。其大旨要以勸善爲方針。爲賞善罰惡起見。特發明因果說。使知爲善得可愛果。爲惡得非可愛果。唯是聖人立教。皆視世人根性之現狀。以定教化之標準。如世人喜靜。則主靜理。世人喜動。則主動性。世人妄語無信。則教以誠實。世人愚昧無能。則教以高明。總之人性所長。導之發揚。人性所短。教之改良。惟以不可害人爲最要之信條。故各教方法不同。而根本大旨則無殊異。蓋千差萬別之宗教。無非教人爲善之一念。蓄積而發。後人主持各教。往往注重儀式。而不顧根本要旨。流傳愈廣。而眞義浸失。因意氣之爭執。專圖擴張己教。仇視他教。於是乃有教爭

問題。千餘年前。回教自東而西。戰爭甚烈。後二百年。耶教復盛。以教爭問題。與回教戰者數十年。死者凡數百萬人。其戰爭之旗幟。名曰神戰。天主教之羅馬教皇。操縱各國君主之進退。教權之勢力。莫與等倫。嗣耶穌教徒。以其過於固執。羣起反對。英德美等國人心大變。不信教皇。而教皇勢力。因之大挫。新舊教之爭端。以起。近數百年。天主教勢力迭減。人心乃趨向於信教自由之潮流矣。聖人設教。教人爲善。而後人變本加厲。乃或因教而起戰爭。或因教而謀權利。非徒無益。而又害之。宗教因教徒不良。遂爲世所詬病。

第四章 證道學會與宗教哲學科學之關係

世界宗教。如大樹之枝葉。枝雖不同。而樹無異。無歧視仇教之必要。故證道學會。力主寬大。不執一教。不捨一教。以各教皆有獨到之精神。即各教皆有勸善懲惡之利益。平等自由。世界大同。此其先聲。近世界者。往往有因仇教問題。而不敢信教者。且若輩之意。以爲人類皆自然生死。非有主宰。此亦無信仰心之要因也。證道學會不但教化世間。即冥司狀態。亦能揭示。如數掌珠。因其爲宗教哲學科學之集合體故也。試分言之。

(一) 各教相同之點。本會已掇其菁華。凡各教微言大義。或爲迷信。或爲物質所蒙之真理。皆藉本會發明之事理以明之。人類立身

行己之本，皆備於是。此本會與宗教之關係也。

(二) 本會所發明者，亦屬哲學研究之範圍。并且能集哲學之大成，推究萬物之原理。自來不能解決之問題，曰如何，曰何來，曰何去，皆能推闡無遺。人之生也，智爲最要。明萬物之所不明，而究其歸宿。此本會與哲學之關係也。

(三) 本會所發明者，實爲生命之科學，靈魂之科學。對於各物之研究及考察，皆用科學方法，以推究其原因結果。較物質科學尤進一步。推明生命之道，發達心內靈機，俾得察視藐微，直接覺悟真理。此本會與科學之關係也。

第五章 證道學會之功用

人類爲

上帝靈火之所分配。其能力之廣大。當與

上帝埒。但爲物質所蒙蔽。或自甘懈怠。而拋棄本能。以百分充沛之權能。未獲享受其萬一。如印人某。因身體甚弱。乃習體育。後身體強健。有殊異之能力。倘該印人不習體操。未必不長此羸弱。或疋死以終也。不獨印人某爲然。又不獨體育一事爲然。凡人能虛心求益。掃除障礙。恢復本能。則智慧能力。必有異乎尋常者。卽生前之事。幽冥之事。彼尋常人所不能知者。其人能知之。且其人亦非生而特異於

衆、不過恢復本能而已。又人睡眠後、其靈魂能在幽冥作事、與人類現在作事、如出一轍。現在證道學會會長、夜分能承仙師敎命、在幽冥行化。前數年德法之戰、仙師屢派會長至戰場、救度死亡、引入冥府。由此推之、幽冥應行之事、不一而足。世人不知、應作且不能作。吾人本具可能性。而今乃不能者、可知世人能力、實未受用十分之一也。本會有敎化吾人能作之本能。惟人心叵測、不可逢人敎化。恐其妄用此能力以害人故。必其人身口意三業、一一清淨、平生篤志行善、心地光明。愛人如己。毫無惡念。乃堪爲受敎法器。蓋果能永爲善人。得此能力。後當審慎轉敎他人。不萌害人之念。自有仙師指導。或

分派教徒指示之。若不爾者。仙師不傳。傳則將來害人之後。
上帝降罰故。

第六章 人類本能之圓滿

世人知六識眼、耳、鼻、舌、身、意所到之境爲真。而不知六識所不到之境爲真。輒目空中種種不可思議境界。非吾人耳目所及者。皆屬荒謬誕妄之論。是對於爲人之方法。未知其全也。人之一身。有已發見之能力。卽有未發見之能力。人莫之知。日用尋常之事。頗具高深奧妙之理。人亦往往習而不察也。例如一物。因其大熱。以口吹之。其熱度卽減少。若其物冷。以口氣溫之。其物漸暖。或涼或溫。無不如意。小伎如是。

其他可知。又如人思想如電氣之一瀉千里。甲乙相距甚遠。甲之思想可以達至乙處。乙之思想亦可達至甲處。又如人之情慾。甲恨乙。可以達至乙處。乙恨甲亦可達至甲處。甲雖可達至乙處。而乙如爲善人。則不受甲之嗔恨。而甲反自受此回力。故人當忿怒之際。其胸中現象如紅色之快刀利劍。具慧眼者能見之。不獨忿怒一事爲然。如其人爲善良。爲博愛。或爲妒忌。爲害人。種種心所蘊蓄。其氣象必形諸外。證道會總會刊布一書。名思想形狀。(Thought Forms)中具數十圖。表明善人惡人種種氣象之不同。形色與顏色各異。此其明證也。由是推之。則知人皆有光氣環身。常人約二三尺許。仙人約

數里許。佛光則尤大。有慧眼者可以知人之美惡。如顏色明亮者爲善。複雜不清者爲惡。前數年廷芳在北京任外交總長時。參衆兩院借外部開茶會。歡迎某使。數百人聚首一堂。某甲以慧眼觀會衆。氣色複雜。惟某乙頂上光明。此明證也。又如兩人對坐。意氣相投。則歡聚如故。薰蕕異味。則互不相容。何以故。以人之氣象。有合不合故。如某甲與某乙。每次同席。乙必移席他處。此又甲乙氣象不同之明證也。又凡人身發出之氣。顯現空中。甲可感乙。乙可感甲。如甲所出之惡氣。乙如不惡。當然不受。如閉門然。乙如少惡。則惡更加倍。以助之長故。惡氣如是。善氣亦爾。今人作惡。皆由惡習相感。乃釀成不可收

拾之局。乖氣多、善氣少、故善人少。又人之思想信仰、於本人極關重要。如心信有其事、卽有其事發生。某國衛生、與友人某散步田間。醫生指友人曰、吾欲田間農人病。卽向農人言、爾有病。農人信其言。卽旋舍。妻詢早歸曷爲。答醫生言余病。後果病兩星期。此爲明證。又如人之死也、不須疾病。殺人也、不須刀鎗與電機。前數年法國某犯、衛署科以死刑。某醫生云、無須顯誅。可自然致之死地。因語囚徒云、以針刺汝手、俾血流盡、則死期至。隨以布蒙其目。以繩縛其手。以針刺其膚。以水滴盆中。使罪人信手血流出。約三四時、而罪人死。其實並無刺血等事。由此觀之。人信自死、雖身無病、亦卽死也。何況其餘。吾

人能力之充分。爲何如者。嘗聞世人作惡者昌。作善者苦。遂疑

上帝之不公。此不知因果者。現今富貴壽考之人。皆由善根成熟。現在善人貧苦者。其生前作業。果何如耶。且賢而多財。則損其志。愚而多財。則益其過。富貴可以利人。富貴亦可以害人。實視吾人是否善用耳。昔有印人某犯罪。繫於獄。裁判官將科以應得之刑。原告請求不治罪。給以數萬金。裁判官詫異之。原告申明此等惡人。有金必更作惡。罪惡貫盈。受苦有日。財帛之爲害。亦大矣。

第七章 修道

修道之法。不外身心。而身心之能修與否。端在真不真。恆不恆耳。上

帝行化教人。有一定之目的。卽欲磨鍊衆生。使皆成一完全之善人也。乃吾人不明此旨。祇知飲食遊戲。自生自滅。甚至起種種疑惑。造種種惡業。受種種痛苦。生前如斯。沒後亦然。

上帝恆欲吾人常在福澤安樂之中。而吾人偏自逸於福澤安樂之外。譬如刀之爲物。可以利人。如妄試其用。轉得惡果。飲食之爲物。可以生人。如逾限量。則病由此作。非

上帝之咎。吾人自取之咎也。故欲求真福。必改過遷善。實行修道。方得長久幸福。其修道方法分二。(一)修身。(二)修心。

修身方法。第一慎飲食。宜清潔。宜素食。豬羊牛等動物。其平日所

食飲之原料。皆極污穢。吾人每日服食其肉。則身體漸變猪羊等之原質。獸性日形發達矣。蓋肉食之人。與眞食素之人。品性不同。食素之人。性情良善。不作惡事。而食葷之人。往往好勇鬪狠。貪圖權利。甚而殺人強盜。無非食肉之輩。不聞是食素之人。此可爲明證也。故人類欲德性向上。斷宜食素。飲料亦宜清潔。第二空氣之緊要。人類之呼吸。必得天地之清氣。濁氣不宜。卽住所一節。亦不宜關閉自封。在稠人廣衆之中。尤應注意。蓋必身體完整。乃可修道也。

修心方法。修心之法。必須靜坐默思。宜每日行之。使心常住。離絕外誘。神與道會。昔宋儒朱考亭氏。亦主張半日靜坐。半日讀書。此與

佛家修心宜用禪定之理相符。蓋禪定不離止觀。止者一念不生。萬緣空寂。然後乃得心一境性。心一境性。然後乃能因性起觀。常觀則慧生。常止則定明。常止而觀。則卽定之慧。常觀而止。則卽慧之定。久之定慧一如。定不執爲定。慧亦不執爲慧。定慧圓明。定可謂之慧。慧亦可謂之定。此修心之妙用也。總而言之。如能照此法實行。自有功效。惟世人以俗務羈纏無暇。亦須每日依期靜坐。至少一刻。蓋飲食養身。靜坐養心也。

第八章 結論

以上七章所列舉之事理。係鄙人屢讀證道學總會所刊布之典籍。

深知其宗旨正大，賅括甚廣。現其書譯爲中國文者甚少。國人并其會名及所在地亦鮮知之。邊論研究其理，故不揣冒昧，略述本會內容之一二，以引起諸君研求真理之興味。又本會不反對其他宗教。凡世界宗教共通之優點，如愛人、平等、自由、互助等，皆本會所包容。而於人生過去未來因果輪迴之理，本會特爲注意，而言之綦詳。證之彌切。倘詳讀其書，必能自得之。信鄙言之不謬也。但人生求道，應躬行力踐。一切惡行惡念，均當掃除淨盡。始與道合。耶佛之教，均重持戒。孔子亦云：少之時，戒之在色；壯之時，戒之在鬪；老之時，戒之在得。所謂戒者，卽戒斷惡行惡念也。惡行惡念既斷，則渾然天理，行種

種方便。利人造福。爲無量矣。

因果淺義

伍廷芳博士紀念繹品

"Elementary Lessons on Karma"

by

Dr. Annie Besant

晏彌秘仙氏繼巴氏之後統宗于天人明道學用功最深歷三十餘年可謂善繼善述矣晏氏本其所得著成因果淺義一書發闡佛教之真理藉以救濟世人有益社會匪淺此書之旨以誠能破命爲樞紐以誠字爲體以智仁勇爲用誠爲大學之要智仁勇爲入德之門體之於心發之於事則性情可變因果可破耳晏氏本斯義將因果式理細細詳解之而其義又甚淺使世人一覽便足了然于心目間譬之祭川者必先河而後海研究佛理者亦必由淺義而入深奧也著此書者本英國女博士不通中文而其言論與孔子無異由此觀之聖人無二心天下無二理一說果不訛

也余有見於此故將從而序之俾達普濟之旨庶因果之說得存于社會之心而晏氏之書亦將留芳于萬世矣

民國十一年正月十八日

伍廷芳序于羊城

因果淺義

世人無論老少皆常問以下數難明之問題

(一) 何爲因果？

(二) 因果之理始於何時？

(三) 因果如何限制吾人？

(四) 人是否果之主抑或其僕？

(五) 是否吾人當歛手聽之或當與因果極力爭勝？

(六) 若謂因果施受今日出於昨日昨日出於前日前日又出於更前日

如此相因則作惡者是否欲從善而不能從耶？

(七) 是否吾人在其鐵律範圍之中無能自易定數？

(八) 由此觀之是否吾人有若蠢然受驅之牛馬無論如何至於勉勵人羣自成之論吾人亦無能自作英雄豪傑乎？

吾人須用些時間將以上之問題及諸如此類之疑難細加思索然後方可正式答復因知事之不完全實一危險事靡獨處世界各事爲然而於因果亦復如是大底世人多視因果若腳鐐之累足其實因果乃吾人之助力亦吾人之引導及吾人之力量使吾人作爲聰明全美也夫因果有

若天然之理明之者則爲已助否則反爲所制也此第一節須要明白也
又須知因果乃天然中不易之理故爲天地間之一大律也蓋其無處不
有無時不在普遍宇宙至明無閉泰西哲學家號因果曰嘉嗎律蓋天下
之事無不有原由此原由卽是因而此因由其根源而起故因又能變爲
果一而二而二實一也因中有果果內生因可以明之矣卽如爲人子者
亦爲人父而其父亦其祖父之子其子亦其子孫之父父子子其中有
因而兼有果也果由已過而生因起於今日而果結於將來蓋因果有循
理之常故有不易之定分也西方哲學家號因果曰嘉嗎律近世之學者

洞明天地果有此律方能令世事有定數有次序且有進步也故公認此律爲治世之原理也吾人如常日結因或有意結之或無意結之苟能明此理則知吾人有權自造情境必能多結好果不收惡果矣泰西格致家號嘉嗎曰反動理（凡動必有抵抗）此理亦是天地間之一原理也格致表釋反動理謂有動力必有抵抗力故動力與反動力相埒如人以手推物其抵抗力適與推力相埒或抵抗力更大於推力則物不倒若推力勝抗力則物必倒矣又若人以樹膠球向板上擊之球必彈回究之其反動力與擊之力相埒適故耳科學家深明此理故得以算其造事製物絲

毫不差泰西哲學與科學兩派皆名曰嘉嗎律然則此律維何此律非世
人之所謂法律也乃是天然之理律卽循因定果不易之理也譬諸一二
三三者數目字也有一然後有二有二然後有三未有已有三而無一二
者也（如易經中之六爻有上二爻必有中下各二爻隨之有中二爻必
有上二爻於先而更有下二爻於後）由是觀之可知因果相生是有數
也非命也（命字作令字解）嘉嗎未有戒人某事可爲某事不可爲儼如
世界法律之定章也又未有教人先取一次取二然後取三惟示人若先
已有三不能不有一二在其間若二尙未有是則三又何從而得乎故天

總之理數乃是人之助實非吾人之掣肘也蓋理數使其能示人以趨避之故也獨是範圍天地之化育善吉惡兇自作自受之處似乎是壓力耳故不知此理者自結惡因於前及至果來之時自身不能不受苦惱於後惟知其理者能愼品行勿結惡因始可勉受惡於將來也天然之理人皆知不可犯者因動必有反動此乃不易之理吾人雖任意犯天然之理亦不能破之靡特不能破之而吾人反爲理所破也譬諸有人由屋簷墜下固不能破地球有吸物下地之理也爾不留心此理明知故犯試一墜之方知此理之眞方知越高墜下其受下之抵抗力越重此理更爲的確也

今既稍有明白因果爲何物矣則其問因果何爲者可以大略答覆矣嘉
嗎是天地間大公無私之天然理也卽泰西哲學家名之曰因果律而科
學家名之曰反動理者

尙有未盡之意義可於第二問語因果之理始於何時之答案中見之間
因果始於何時一句顯出問者未深見天下之理也嘉嗎既是天然之理
則不能有何時始之之間蓋因天下各理皆根於太初之始故不得謂之
何時而起何時而終也因凡有象有宇宙有世界則必有天然之理在焉
蓋理是體物而不可遺者也如物之能相吸引（卽易經所謂同聲相應

同氣相求之謂也）並不能謂何時始也凡有天地則有吸引之力類聚之理必存焉如地球之吸力安能謂有始終之日哉故有地必有吸力不過作無始無終觀之可也既知因果亦是天然一理（卽易經之所謂吉凶悔吝）故須作無始無終觀之蓋有萬物必有因果在焉（卽易經之有象必有吉凶悔吝）故始於何時是不能問也惟因果何時始於一生物之身則尙可問耳此答覆是自物有身命時起之卽自不生不滅之天地精神投物身時起也（此卽易曰精神爲物也精神既爲物則入情境之中耳情境既有則不能不入因果範圍也蓋一入情境則因果生矣）

9
天地之精神初爲金石斯時則有動與抵抗之理而範圍之身外之物壓之身內之力抵抗之而成此動與反動之因果實由動與反動造成因果若鍊扣之造成鍊身焉然後由金石而成草木斯時抵抗外動之力加多則因果之範圍則更複雜也然後由草木而爲禽獸斯時身有知覺則動與我抵抗更爲複雜也彼之施痛於物更化爲己之受痛也

當天地精神作金石草木之時則無知覺無思想及至更進於天演階級變爲禽獸然後始有知覺有思想並有苦樂之情境也夫天地精神化爲禽獸其身雖現與前身有別惟其身因果律之中實爲異於前但其造

因之不同而其受果則與前有異耳其身既有思想苦樂則其因果又比草木金石時又更複雜也因其既有思想則其身已多一思想界是以結因不獨結之於肉身界中而思想界中亦有結因也故其果靡獨收之於肉身界而又更收之於思想界中也前日之反動力祇受之以身今日之反動更受之以思想是又多一層之果也惟是今日之果雖有二層而其動與反動之理仍一也

窮此理者須知因果不外乎動與反動而已不獨於肉身界爲然於各界亦然蓋因果是天然之理體物而不可違者也

世人既明此理則知因果始於己之天賦精神初時爲物之情境中也精神既置身於世界情境中則不能不在因果律之範圍故如何施之必如何受之如何結因必如何受果如何施動必如何受反動施動於肉身界則肉身界受其反動若施動於思想界則思想界受其反動也既明夫此則事雖逆來而亦順受則煩惱便少矣

既明夫此理當再有一節學者須知之也夫動力與反動力必相等故如何施之則必如何受之亦必於何界受之（此界字非世界之界乃人身中之各界也人身上各界之詳細見證道學指南）譬如一人居心欲造

一好事惟智識不足甚或因此弄巧反拙（如欲救人反殺之欲助人反害之之類）彼之舉動必先動之於身中各界也一在肉身界一在光界一在思想界其反動亦在三界之中也如在思想界者則成品行之結果卽是其人能知其品行是無愧而此後更堅於向正也在光界者其反動是成其將來行其善念也此二界之反動皆得善果惟於肉身界所受則爲不幸事而已由此可見因果律之反動是絲毫不差實乃不可犯而不可易也

世人多以因果爲賞罰意實大差豈知因果律中殊未有賞罰之理祇有

含結果與後驗兩層於理中而已蓋於任何界中或有一行之差則得回此界中之苦惱非有神或人施賞罰於其身也乃其人自犯致剛正不苟之因果律故不能不收其相當反動之惡結果而世人勿以爲我存道德之心則我必榮盛於日後或來生豈知人所以存道德心之反動是令其人增長其道德之能力耳一人以僞語欺人其反動是令其人日趨於僞而品行日趨於下不必待人知之而後爲之羞恥而已然更有二層之反動也一爲已上所云品行日趨於下其次則失人之信用心也

因果如何限制吾人此條問話須詳細解釋然後答覆之緣此問題可分

爲二層其一天然物理乃有掣肘無知覺物之能力因果既是天然理則掣肘無知覺物之能力實有之此是第一層其二吾人生生世世既皆有自造之因則今生必皆有自受之果此是第二層先另將第一層詳細解釋之吾人皆知天然物理是天地間諸情境互相交結而生之後果也吾人既置身於世界情境中又未能洞悉各情境中生克之理故不能不受多少之限制如人之不能凌空而飛固實事也蓋其體之造成不在騰空之境若人欲遊行空中彼必藉飛機然後可以騰空也由此觀之吾人若能明天然理物及天然能力則更能用法克之以求己之自由因吾人

可以補足自己之缺點以分其抵抗吾人之勢力卽如一人若由高塔躍下其結果欲不遭損命或折脛實弗可也如果其人先備足力之乘風傘乃先開傘然後躍下其落也必徐則其人定可平安無恙再譬之人欲出地球空氣範圍之外則必覺空氣微薄不能呼吸而死惟若其人先備一蓄氣機及帶足物料以自造空氣而吸之則可保無事可知天然物理雖能限制吾人一部份究未能完全限制也因天然理仍未能勝吾人之學識所以學誠更大則舉動更自由也（譯者釋理者性也此說極似聖人所教能盡物之性則可以贊天地之化育可以贊天地之化育則可以與

天地參矣）因果律既是天然理而學識又可勝天然理故若窮因果而至於深明者卽可能設法分其勢而超越其範圍一二方面之也必矣故因果之理不可不窮其極以求己之自由也

第二層是吾人前生之因化爲今生之果因既是自造而果則必須自受之無疑矣此種限制是頗難越出其範圍也故欲稍越於外則必須窮究乎因果起之之三理也蓋窮此理是最要點若明此節之後則吾人可以知修身之道實與因果大有關也其三理乃係三事造成者一爲意（卽存想）二爲念（卽欲得之善念或貪念）三則爲動作也意生品行人品

（卽聖人所謂正心誠意以至修身齊家之道也）念生機會（子曰仁遠乎哉我欲仁斯仁至矣又若佛云念動生情景動作生境况）三者皆因果之要點也窮此理者須知吾人之因果既由此三事而結因於前生而今生之意念動作或雖與前生有殊而其三事則一也「蓋意念動作乃天下事之起源」既能以意念動作結因果於前生再能於今生以此三事解前生之果也（卽解鈴繫鈴之意）人多以爲因果律能施其反動於吾人有若大石墻焉而不知因果亦能受吾人之施動也（如調味然味重可以和之）故吾人雖有惡果而今生之善意善念與善舉之反動可

以和之於今日也「卽是補己之缺點以分天然理之勢也如以飛機之升空以乘風傘之躍下也」世人不解此意多見因果之反動方面不見因果之受動方面故不作不爲而歛手待斃此是不知有人定可以勝天之法也（如道家之謂後天可以勝先天又有若明心寶鑑謂心好命又好發達榮華早心好命不好一生也溫飽此是以今生善念與動作解前生之因果也命好心不好前程恐難保此謂今生之惡意惡念與惡動作而破前生之好果也）

所以能將此理細窮之則知因果之限制如何今再將上文所指明意念

與動作三事復細細申明之

意卽存想能成品行「卽正心修身克己復禮之效也亦大學所謂誠者自成也」此成語係人所共知其爲真也泰西哲學家有云如此存想卽如此爲人前生由存想而成之品行今生仍在也此種限制吾人頗難超越其範圍也今試以生性蠢笨爲譬喻其人生性蠢笨乃其人求學之限制也故其人讀書須要用功一二小時方能通曉惟其學友則十分鐘已能之此顯然是限制無疑矣既是限制則前生之因果隨身耳然則又以何法解之乎

吾人既明天然理是可以補己之缺點以破其限制則此蠢笨者讀書亦可以法破之也或雖不能全勝而其限制必不若未設法時之更甚也故有聰明不若人者可卽時起首自習須至完全能誦而後已當習時自信將來未有不成功者而更加以誠心日日做去雖人穎聰而已拙亦可用時光補之歷久則其限制力必不若前者之利害也蓋誠意自能生能力（卽聖人云誠者物之終始不誠無物故雖習練而心不誠亦還無有）既存誠心盡力習練之後則己之欠缺部分自然漸長也故雖有因果律限制於前而卒能成聰明之腦力於後爲一生作事之器也

比如自己生性燥如火自知不如人之溫和既自知不若惟見事則燥性不由自主而發「陰慮及過勞者多有之不在此例」此又是因果之限制也如能立意不願歛手聽其限制則亦有法出其束縛也若能存心忍耐習之日久必能成自然之性斯時化爲習慣耳

因果雖限制吾人之性質惟不能限制吾人之心理既前生以存心而得今日燥性之限制今日必可以誠心習忍耐而破之故自知有限制當卽立主意自解前生之因「世人有初時非常溫良惟因腦力屢受激刺而至於急燥者又有因過勞或疾病而得燥性者此皆原無忍耐性所致故

道家有教人養氣鍊性之工夫且今生不能忍耐數月之間自成燥性之行此弊靡獨見之今生而亦隨之於來世也今生之燥性可以效道家養氣鍊性之法而解之則前生隨身之品行亦可自解也必矣作者之言殊非謬語

第二節欲念生機會此是第二諺語也有生來聰穎而不逢機會以顯其作事之才者或有機會作事而屢遭失敗者其失敗也非才力不逮以致之乃意外不幸之事而致之也由此觀之又爲因果之限制也無疑破此之法須以百折不回之誠意與堅心定志以求成功雖覆之前而仍起之

於後敗之於彼再創之於此久之由自己之懇切慾念必能自生機會以破前生帶來之失敗果也如此則限制必寬而阻碍必日去矣

第三節動作生情境是第三諺語世界爲情境所困者爲最難擺脫之事惟亦可以堅心耐力以離之最妙莫如逆來順受泰然不憂以無入而不知自得之觀念以處之但初時必不能卽脫其範圍如能堅心忍耐立志反逆境爲順境則其情境必稍順而其限制亦必略遜於前耳

須知今日處境不順乃因前生或今生不代人設想不悅人心只知有己而不知有人之行之所發也故今日之心理須以爲人設想悅服人心爲

宗旨且必使與我交接者或近我者均皆稱心並將往日之自高自大知有己而不知有人之心必盡爲無我之心而後已久之習慣而成自然則往日所處之逆境必有轉爲順境之效果也

此法乃當處逆境時而施以順境之果也故於往日得來之限制而獲日後之自由大哲學家卑斯麥有云誠能勝命斯語實不謬也

今試將此語細解釋之以顯明因果是否能限制吾人也既往日之誠能成今日之好果則今生之誠必能解往日與前生之因也無疑矣

我等已明白存心如何能成品行一節矣今再設譬喻一人自省察己之

品行見己之欠缺真實勇敢及溫和之性此皆是因果令其人有虛偽怯及燥性也然則以何法以解之乎

既是心理乃吾人成人格之器吾人當以心理解之其法如左

每當早晨初醒時世事未亂其心之時乃靜坐默思真誠至五分鐘之久於是乃自己對其心曰我之真我是上帝之體上帝是真理我之真我既與上帝同體則亦無所不誠我之身與我之心須與我之真我同一之表示我今日之思想必正而不僞我之言語必不欺我今日必不使微有不真誠不正直之事噫爾真誠不苟之上帝爾卽爲我以真誠之光照臨於

我而使我真誠也

既如此默禱默思之後當日交際及一切言語思想務試與默禱默想根
同

若稍有言過其實則自己早晨默禱默思之言自然起於心中而卽時自
知爲不真誠也

若有不真誠時卽可在人前自行改正斯時雖覺略有羞愧但能令將來
更加謹慎也如此向真誠做事積日成月日積月累則必成爲習慣思亦
真誠言行亦真誠斯時自覺不勝之喜因誠之德已鍊就日前之欺僞已

化爲無有矣（以上是聖人所教省察克治存養主敬之工夫有志希聖希賢者慎毋忽之）

既是欺僞已化爲真誠矣乃再除去膽怯而成勇敢卽照前練習去僞之法無異每早默禱默思每日身體力行每當覺胆怯時心中自謂曰上帝剛正勇敢上帝既是我之真我我實與上帝同體我心應不怯也更於暇時須閱勇敢書籍助自己勇敢之德使知勇敢乃可貴之行爲也若自己見人虐待小童或禽獸立即挺身向前與之辯論辯論時須堅執（見義勇爲之宗旨）惟言語須溫和試轉施虐者之心以保護受虐者倘能如

此常存濟弱之心久之胆怯之心盡去而勇之性生矣。

二層既得則向第三層改燥性爲溫良一層如前法做去其造法與前二層無異也仍於每早起時默禱默思溫良之性更每日實行自習於言行之間譬如有一人以橫語相加爾之性暴如火燄上騰正欲詈之當此之際緘口不答以忍耐爲主初行之殊非易易惟是見一次成功之後卽覺易耳更當常常習練久之忍耐之行成爲習慣由習慣而成忍耐之德溫良之行矣（此卽孔子教子張以忍字爲終身之本也佛學有云一切諸煩惱皆從不忍生道家亦云忍忍忍債主冤家從此盡故忍之一字若能

學就則向上工夫已得過半矣

既三層工夫都已學就可每早起時默思自己是已完全眞誠完全勇敢完全溫良因人之心理人之存想人之誠心是成己之器也（大學誠者自成之理也）久之則自己自有如此之德既有如此之德則希聖希賢之事就於自己之存誠也（此卽大學所謂誠則形形則著著則明明則動動則變變則化唯天下至誠爲能化之工夫也）尙有一更直捷之法是比自爲古之俠義勇士其言行是完全眞誠完全勇敢完全溫良如果能誠意學此俠義勇士之行爲動作久之則能成其德行既與彼同德則

居然是一俠義勇士無疑矣（故仲尼學堯舜而聖也孟子學孔子亦聖也是故顏子曰舜何人也余何人也有爲者亦若是後顏子復成後聖諸葛武侯自比管樂而終成爲將相是故聖賢乃能自己造就豈可盡付於天命也哉）

已上之自習法是用以破惡果而成善因者也此因之反動回擊於自己之身而成己之真誠勇敢及溫良之美德也既能造就此美德不獨受益於今生更能隨己於來世之品行也故因果律雖能迫吾人有欺僞怯胆及燥性之品行而不能令吾人終不改也

吾人立志不誠則已如立志專誠則無所不能也故吾人如自始從真誠勇敢及溫良上結因吾人必能獲此三德之果也因果律又豈能困吾人不能哉蓋因果之理是因因施果既吾人能結好品行之因必能收好品行之果（惡品行既由惡存想而來善品行必是由善存想而至也）惡因收惡果善因收善果此爲不易之收效第如何之因全視乎其人之自結而已吾人已知欲念能成機會故自己欲念之存不可不慎也是以擇長久有實益之事方可存希望之念於精神上及學問上有實益之事方可存希望之念如其無益及不能長久者是妄望耳且當存希望時須毫不

疑其有不遂願之日又須有恆心望之亦須常常留心候其機會之至也則將來必有達己之目的焉

吾等須謹記其理之作用是不偏不倚的若望者果誠意所望之事必至蓋機會是由欲念而生也惟念須正擇之不正或不在分內必致不遂願也故不得樂而反得苦（如欲娶公主爲妻必致不可得而徒自苦耳又祇欲忽然中彩票五萬元而成大富之類）因天理無論吾人如何望法如有施其應當之效果而已故英諺有云慎祈求（其意謂祈求一次事知是否非分之求也）

吾人既知動作能生情境故自己之情境多乃自成也若自造臥榻須自睡之（卽自作自受之意）如明白自己之品行能與身外或身內之情景實有關係一節則於逆境及難過之情境時亦可求益也如在病中可習己之忍耐及樂受之品行於紛紜家務中可習成溫良品行及作事之能於每日作工時可習成耐勞之品行於患時而習成泰然不憂之品行也如能常常存心試令諸親近我者入快樂情境則能將前生或今世之動作所成一概之因果情境化而爲益也有若良工焉能將無用之物化爲有用之材是也故明因果者亦可將今日之失時以成將來之得意情境

也蓋因果雖能成情境以範圍吾人而吾人乃造因之主也故不明此理者方爲其僕而受其限制也故因果之如何限制法須以學識之優劣而定之上文已將未答復諸問題今已大略答之矣惟今再將各未答諸問題仍復開列如下（一）吾人是因果之主抑其僕（二）是否吾人當歛手聽之或當與因果極力爭勝（三）若謂因果之施受今日出於昨日昨日出於前日前日出於更前日如此相以爲因則作惡者是否欲從善行而不能（四）是否吾人在其鐵律之中無能自易定數

第一則問題可以答覆曰吾人半是因果之主半是因果之僕也爲其主

者則吾人具有學識能自結好因爲其僕者乃吾人無學識與智慧以至受其限制也

第二問題內含有一要點也有若吾人受一極大因果之權力所壓制雖盡力與之爭亦不能勝之者是否應與之爭乎今試將人身上之惡習爲喻此惡習是前生帶來者如好酒好色等在不明因果律之作用者必自以爲無能爲力矣更且謂吾雖欲改之而不能也故聽之而不設法以自解且反而自縛之更甚於前惟明因果之作用者則曰我自知不能勝之但雖爲其所縛我亦當盡力與之爭如此立志其人必極力自戒惟前生

之孽因太重定不能卽時解脫而卒復墮於酒色之中但於極力與之爭勝時於不覺中已去其多少束縛矣故再續其力必不若前之緊也如其人與爭勝則其束縛力必能更寬矣如此則雖受失敗惟一致不改百折不回將來必能超越乎前生惡因之束縛而將奴僕自己者殺之而自己爲之主也

如人由惡念而成惡習此種之果乃自己成之也果雖自成非不能自解既惡習由惡念得來善行必由善念而生故去惡念惡習惡行而存善念善行則往日所成之惡果必能以今日之善念善行解之也（太上感應

篇所云如有曾作惡事後自改悔久久必獲吉慶所謂轉禍爲福也）因果之結有若製纜焉逐一編絞而成也製法旣如此解法亦當如此故人須知命非天司之而實自造也如能勇敢自解存誠自改極力與之爭則勝矣無論其今日如何束縛如何限制亦不難超越其範圍而還我自由與自主也律卽理也旣因此律而束縛自己則必能以此律自解也無疑矣又旣因不明因果之律而受困則必能因明因果律而解脫耳此誠不易之理也誰能謂其非哉第三問題（若人之今日出之前生而前生之惡行又是更前生之翻由此觀之其爲善而不能也因其已墜入因果之

鐵壁銅牆之中也）此種問題常令研究因果者頓覺生疑譬如人今生之凶暴性能隨之於來生則來生其人更爲凶暴耳如此相因則生生世世其凶暴性亦一世更甚於一世實不知何時始已比理似是而非知其一而未知其二之言也惟其中尙有和解之法在焉研究因果者因未有見到而已

和解之法當設法以詳明之人既行惡之後果是餘哀則當在生之時必有多少怨艾之意此自怨自艾之意於死後則必更熾如好色者好酒者自成薄弱之神經無定之主意衰敗之體魄如此之人未嘗不深存自悔

之念也此種悔念人常有聞之謂我能從新造過人則必不如此造法耳此種言語是作惡後之餘哀使其人自怨艾也因由閱歷而知己之任性爲不善也蓋閱歷之後方知天理還其惡果於作惡者之身此層實不訛也此種餘哀實是苦境此種苦境在生時已甚於死後則尤甚也此種惡果不啻養蠋者之反受其刺也故作惡方信世界果有天然理律而人知在其範圍中雖極力衡之而不能破其圍越乎其外卽死後在界天時之心理也界天是間於人世與神天時也（欲知其詳請閱證道學書便知而證道學指南亦微有論及）由界天登神天之時生性中之好點（因

世界未有盡惡之人也。乃得神天中之善處以培養之。有若木仁投佳壤。芽生幹成。花生實結耳。故生性之清潔及愛人之點（此以善人而受酒色之困者言也）。盡皆擴而充之。當其人在神天之生命已盡而再投胎。則德性必稍增而慾性必稍減也。往日由慾性得苦境之經歷。必生一種畏心於性中。乃以戒酒戒色爲事者。間或不能盡戒絕。而此次之趨於德。必過於前生也。此是天然理律之回擊力。使其人生改過之心理。加以人之大生命（合天下人羣而言）。附於天演潮流之中。而天演之理。是上達之天理也。有改劣成優之作用。有改惡遷善之性格也。作惡者亦

人羣大生命中之一生命也雖自己可有一時停而不進之權惟是其隨流而進之動作必受大流順去之抗力也此抗力能令故意不進者受逆境之苦久之自然爲大流順去之勢使其人歸順也第二節或作惡者偶閱書籍或聽演說爲善言感動以至悔悟前非及知今日之行徑爲不善並且明知日後必有惡果至令自己受苦自此卽心目一開心目既開則必立志用功痛改前非矣第三節或有因其所愛之人加以勸導又因自己不願愛己者轉而憎己乃至改惡從善此又一理由也第四節人本俱有神身此神身居六層身之內（見證道學指南）其向善去惡是其作

用此向善之工夫其始無論如何遲慢亦終有令其人歸善之日也蓋人之天性實日向於上非趨於下也所趨於下者是自昧其天良以致置身污泥之中而不能見天日也（此說卽儒教謂人性本善自俱良知良能）由此觀之吾人在因果之鐵律乎實非也吾人乃居造物主仁愛理中耳其理是令人人同歸於善同歸於德同享完全之幸福蓋造物主之生氣是天地萬物之生命也此生氣能令人與萬物日向於高日向於美及日向於樂也此是天然之理故人終必復其全德全善完全之神體若地球中之南北兩極之磁石吸力吸羅盤之針指南或北也（中國之羅盤向

南極而指外國之羅盤向北極而指

人當未明此理時必用心於假所以置身於痛苦及憂患之中迨見天日
後意實欲人有永久之樂然後則必用心於真而不用心於假矣如此然
後方能與天合體而入於大安樂之境也

(終)

(前名天人明道學及道德通神學卽今之證道學)

原著者

英國文學博士

晏彌祕仙氏

發行所

證道學會譯書社

卽道德通神學會

上海法界公館路十二號

上海中國郵信箱九百號

證道學指南

證道學總會印度馬特賴時省
上海證道枝會法界公館路十二號
中國郵箱九百號

The Theosophical Society

Information for Enquirers

Second Edition

Published by the

China Publication Fund

(No. 2 of the series)

P. O. Box 900, Shanghai

Nov. 1924. 7500. Printed by the CHUNG HWA BOOK CO., LTD.

證道學會序

宗教者勸人爲善所以濟政治之窮此天下之公言非一二宗教家眩人之語也但世界之宗教不一其最著者如道佛耶回等教教旨既殊儀式亦異且佛教又有宗派之別耶教亦有新舊之分入主出奴是丹非素觀彼十字軍百年之戰未嘗不歎宗教爲禍之烈且甚也雖然物窮則變變則通卽以吾人日用所需者而論蓋不知幾經進化始臻今日之盛而科學家猶以爲未足方日夜殫精竭慮以冀有所發明或改良之物質界如是精神界何獨不然乎數十年前有仙師屬其門徒創立道德通神學會於印度馬打刺省亞雅傳授吾人生死之道未幾風行世界現各國支會林立蓋因其立會宗旨乃無國界種族宗教階級之別也又此會不但無仇視宗教之意且欲將各宗教合於時宜之教旨集成而殫明之既無門戶之成見亦免儀式之拘泥讀是書者苟能潛心研究則真理立見

序

二

誠天人相見之指南世界大同之導引也又豈僅濟政治之窮也哉民國十年五月伍廷芳序於羊城

有一播種者前去播種有撒於路旁鳥來拾而食之
有撒於石上淺土之地雖生而土壤不厚故生根不深後太陽猛
烈爲之爆殘

有撒於荆棘之中雖生亦不能長因爲荆棘所塞

惟是有撒於土壤之中生長成立有得實百倍者有得六十倍者
有得三十倍者

證道會

宗旨 一全球人類盡屬同胞本會不論其種族宗教男女階級顏
色爲何咸以兄弟待遇之

二研究哲學科學及世界上所有之宗教

三探討宇宙間深邃莫明之妙法與人體內蟄而未現之能力

入會時對於會員一己之宗教意見本會絕不過問惟會員對於他人之宗教亦不應干涉且須表示敬意一如己教

本會既無固執不化之信條亦無以異端拒人之表示是以除却不承認人類爲兄弟一條之外卽有不信證道學而願入會者本會亦歡迎之

證道學家以爲人之聰明須自由運用之然後能成事真理之發明

須無限制然後能詳盡無遺證道學家但求理之真不問人之用何法在何處及因何故以求得之也本會對於各學問題聽人自由發揮意見不以偏於一種思想爲然凡爲會員者各宜保全其自由思想本會以求上古真道爲主本會之格言曰宗教雖高莫如真理於錯誤之中而索求務得真理而已

各宗教各哲學各科學皆由神學取得其真理與精華然無一能自喻爲己學所專有或他學所必無是以證道學非證道會之證道學乃證道學之證道會也

此會乃世界各教之教徒與非教徒所組織而成其所以能聯合無

間者因贊成本會宗旨之純正希望消除宗教相仇之意見聯絡人類之感情研究各教之真理與傳播此真理於人羣是也會員團結之旨不在互相固守之信條而在共同研究所得之眞道眞道之求須有專壹之心志清淨之修養高尚之趨向然後能得益蓋眞道有如運動會之獎品惟力足以致之非如迷信之條文恃專制之盛嚴得以盤踞人心之內凡事必經個人之研究由由自覺力之觀察然後可信須以學理爲歸不宜人云亦云證道學家待人接物咸以忍耐雖有不可忍者亦復忍之此非加惠於人乃分所應爾也愚妄之流宜善導之不宜責備世界各宗教皆係眞道一部分之表示故宜

研究不宜詆毀宜遵守不宜叛變蓋各教均以和平爲號召真理爲皈依雖途異而原同也

證道會

證道學以真道爲體而真道又爲各教之基礎非一教所能獨有也其學供獻一種哲學於世令人曉然於生死之理天道之公天心之仁人之生死爲互相輪值之事人之生命常存無盡人之前途光明榮耀人與神本爲一體而物質界之肉體與心不過爲人之僕從耳宗教藉證道學證明其經文內之隱義益令人信仰證道會員以研究真理爲主而證道學家則循此真理而實行者也凡有樂於研究

眞理志趣高尚作事有恒而欲爲會員者均所歡迎但將來能否爲證道家則在乎其本人耳

證道學之精義以人神一體爲訓則人是神之一分子自不難以人通神人之本源既同出於神則凡屬人類皆兄弟也世界物質上至神人下至塵埃皆含神質高尚如天使亦不過爲神之一點光明以故與大生(One Life)有關係者皆同胞也

證道學次要之理與各教所訓者略同如既與神合一則神性之三種表示物質中之神靈輪迴之理因果之律三天(物質天情欲天心靈天)與仙師之存在等等皆是

各教均曾以上述之理教人惟有時重此輕彼未能一律如輪迴之理現世之基督教不明言但邇來又有復興之象各教之不同在於因時制宜各以其適世之理供獻於社會而冥冥中操此權者則有仙師是以各教之表面不同而基礎之真道則一也

證道會之全體以傳播此真理於世界各處爲職務會員個人信受此理與否聽其自由不加勉強如全體會員不信受之又不宣佈於世則是會必不能存在關乎道德方面證道學以神物一體爲基礎凡屬有形皆含大同之生命故損其一則全體受害譬如以猛藥毒人不啻損世界全體之生命蓋凡屬有形其生命皆出於大同之生

命也

證道學關乎道德上無規定之條文凡宗教所有之最高道德均應遵守之以條文爲道德之標準在今日已爲下乘本會將會員之德性超舉於尋常之上灌輸以最高之旨趣最厚之希望捨摩西之律而使之步釋迦佛耶蘇後塵不取外觀之條文而在性靈之內律會員中有不及者但求逐漸改之不加擯棄也

證道學之大概

吾人常謂證道學非是一宗教惟各教皆本之於真道證道學亦由真理而起故證道學雖非宗教而實包藏哲學宗教及科學於其中

此是哲學之由因其所教者皆釋宇宙間人與魂之天演進步也其是宗教由於追明天道之後再指明捷徑與吾人使吾人早達清楚超昇之目的其又是科學由於其所教之各科皆指明其質得以考驗之非如宗教之科止誠信之而已證道學指明人無須瞎信宗教之理因人身自有大能不過蟄而未發如能依法醒之則天下之事無不了了則人之能有若神之大耳其所教之法乃直捷依古人所能之法教之今日如人欲學之依法習練則古人之大能可復見於今日也

三大真理

世界中三不易之理語言不能盡解其底蘊者其大若人之生命但仍平淺易明若人之心理

其一

天地間果有主宰者以仁爲心世界萬物之生命由之而有故主宰之能居吾人身之外又身之內主宰是永生不滅之大能力也長存而且博愛萬物主宰雖是無聲無嗅惟守天道者得而見之

其二

人之眞元是不滅長存其將來之發展及光榮是無可限量者

其三

世界爲一大公無私之律所治故每人是其自己之善惡判官榮辱施主賞罰生死之主宰將其三大理淺近而言之有若平常人之所謂其一爲上帝是仁者其二爲人是不磨不滅者其三爲吾人如此播下種則必如此收穫者天地萬物皆由太玄真一而來故真一就是道又是上帝之體用大全真一之神爲上帝之體靈顯治世以理爲上帝之用故證道學者須分別之

三大理皆有附而解釋者

第一理之三附解

其一

天下萬物形色上似相離相克其實皆順行天賦之能以爲世界作福非相克也故若明天帝造物之心則萬物中無論如何相反乃實事上之宜也世界事物物皆出以助吾人非阻吾人也

其二

世界萬物既出以助吾人益吾人故窮此理之職是不應辭也

其三

既明其理之究竟則吾人之應出己之一份以助其機亦是一不能辭之義務也

第二大理之七附解

其一

吾人之眞身是神其肉身是衣而已

其二

吾人須存已成神之心以處世事故心中遇有難決或難禁之事應以高尚之神性處置不爲肉身之利慾所駕馭也

其三

吾人所謂百年中之生命其實是靈神之一晝夜也

其四

吾人之死非眞畢命也實易位置而已故死一方面實無關緊要之

事也

其五

世間萬物皆隨天演法則而生所以人則智慧日開物則位置日優故吾人若能向天演理中用心考求則見天下之事理非常有趣味非常增智識

其六

人在世界亦隨天演法則而生故若能研究此科學及能明其中之理則更非常有趣味且非常增智識

其七

人必須順天演法則而生故其人今日雖在最下之階級亦必有達最高尙最完全之一日也

第三大理之三附解

其一

吾人之思想言語與作爲三事皆有相當之結果於其後此非其外之賞罰實其事中自生之果蓋世界諸事不能逃出因果造業之外也因與果雖云是二其實由一事而來也

其二

世界之有天律如世界中有天然之物理也吾人明物理故能將物

爲己用是故窮天理是吾人之職務有味而且有實益之事也

其三

所以爲人之第一要事是能自治使自己之思想言語及作爲不背天律以免受孽報也

人所居之世界

世人皆謂人身內有靈魂惟證道學於直接窮究之下則反是評爲人卽靈神而神借身體靈魂感覺動作以顯其神焉此四者是其輦以載其靈體又借是爲器皿以現其神於各世界之中也各世界者（卽佛教所謂各天）非有遠近間格實是齊在目前斑斑可考也蓋

其是宇宙中有形有質之部分也惟各界具體不同故質地有異於是有輕重之分顯微之別人眼慣視重顯物質所以輕微者不易見焉（此證道科學書內詳解甚悉）人於各天內皆有生命惟多止知目前物質塵世之生命而已雖於夢寐時間偶有見別天中之景象或入定時或離魂病中（即秦穆公一睡數日）所以由此而知死是身死非神死也夫死有若下車焉除去塵世中物質之物而別天之生命仍在也此即如人之去衣身仍在一般又何嘗受痛苦焉此種議論非是理想空談確是證據之實事也各天皆有命名之旨是因其質地而次序之是由實而微實者是肉身界或物質界故居首

其後皆微者也惟其中亦有輕重之分一爲情慾界又號曰（光體）
識界次爲精神界又曰神界再次爲修德界又曰菩提天再次爲靈
界又曰羅漢天此之後更有二再高之天一爲太極界又號曰玄天
次爲無極天又曰道天惟此二天非吾人目下之能可達者故暫置
不論惟是在其下諸界若人能修德有毅力及果敢心以練己之知
覺力者非難得在生時親歷其諸景近世亦有練就此能者惟於後
世諸代能在塵世與諸天界交通者必不乏其人焉

輪迴

考之人類之不平等處原由有三焉（一）因才幹之高下（二）因機

緣之不同(三)因境地之優劣此三者實因輪迴而來夫輪迴者乃天造之定律人不能自易其命運蓋此輪迴律是不能易者雖天帝亦不能變易其數也

二輪迴有若醫學之謂遺傳乃謂其人前生作事之結果故繼受之蓋人無能改其前生所作之事也

研究輪迴之道方知上天公正無私人自作之自受之蓋壽夭窮通人自主之於前生之善惡今之所受者乃前生之果也由此觀之人若知天演之定例則可種善於今世以收善果於來生也有輪迴方知天帝是無私人是有權定自己之命於後世也蓋人初是一點靈

明無知無識投入母胎由生生世世苦樂之經歷以磨琢就其品行智性及能力所以人之品行智慧非天與之是人自己自成於其生生世世之所經歷也故好品行者大智慧者賢者乃其人自無量世來之爭戰場中磨練得來之結果也世世中辛苦操作之工錢也故愚鄙者乃未有受過幾多世之經歷以磨琢其神身也今之野人是將來之聖賢因聖賢亦由野人而達到其地位也因人人皆有全德之一日蓋今生失足來生必不再犯前愆德力皆由磨練得來故每一下種必有收割之時樂生於善苦生於惡嬰兒夭殤者是了其前生之債也不久則仍投生以經歷其應受之磨練也塵世中爲人必

須自賴其力以求自養有等甚至過勞而死者惟是藉此以磨練個人之性情使其世世向高尙殆至能助人羣進化亦非徒勞死而無益也故俊者是數十世經歷而成就其出類拔萃之才惟是愚蠢者亦有英俊之能於後世也因人之後一世必聰明過其前生也如人之身含有父母遺存之酒毒物質體是無法自解惟其靈性受此之後必不再陷其前愆耳故今世之陷是來世之戒是以能知此理者必能於今世組織而成其後世之品格若今生品格已佳再加用功就其來世之篤行此爲聖爲賢之地步也

因果律

嘉嗎(譯音)一字謂動作(嘉嗎是梵語)蓋有作然後有因因成而後有果此動作非全謂平常日用之動作也其語有深意存焉蓋此動作是動機凡機發必有前因亦必有後果至於個人日用之動作亦有因存焉蓋人之動作必先由情情動而成意意立而成動作然後成事故每事必有因事成後又是果或由此果化爲別事之因故就世事中而論亦必有覆離因果存焉惟追其原則本於三物(一)爲情(二)爲意(三)爲動作因情生意意生事有時不因意而直動於記憶中以成事者亦有之此三者一可見而二不可睹雖不可睹亦實是事不過可見者在物質世界中人皆可見不睹者於思

想界中人不能見而已（因神可見人之情意）由此推之情又可號之曰志及意與動作乃三事也三物也因此三物而成事因事之復集因果以成嘉嗎嘉嗎者是天然之定律也蓋科學證明有動必有應因擊力與抵力是相對而相均也耶教聖經中亦有一證明天理中是有因果者其語云其人若如此下種必如此收穫嘉嗎亦可號之曰公均律蓋天然是大公平均若稍有不均必自補足以使一置也由此而見因果律中含三不易之理焉

（一）人格是由情性而成

（二）志願造成時機吸引外物

(三)自作還自受因動作必有反應

宇宙籍此律公均動作 故無地不有無事不見 作善還善 作

惡還惡 報應無差 遲速雖殊 惟無空落 故

此律吾人須服從 天理存心本大公 博愛衆生分善惡 太
和保合助蒼穹

仙師

夫仙師者是證道學會中各人稱其爲神師者也仙師前者亦是凡人
世世修德立功成就全德篤行達到天演中之最高階級在凡世
歷盡世情方躋到仙師地步此卽耶教中之所謂得救佛教中之所

謂解脫而證眞果者也達此之後彼心仍存世界故在天上結就一團體號之曰仁道尊者團以佐治世諸神仙師嘗捨身投胎降世教導世人使人類進化並藉此以連合人神二界使有路可通亦欲收世人爲門徒使其助己施恩於世及以度人早登天演中最高階級故有根行之君子可能望與仙師有師徒之分也

每當世界大亂及過度時代仙師或高神下降居於窮山靜谷與世人隔絕之所施功助世因在城市叫囂污濁之處不能用其神功以助世界人之進化也

已證果者梵語曰摩訶摩卽大智慧者卽仙人卽阿羅漢在歐洲於

中古之時代天主教中亦有稱行山仙人者曰聖孟大將至今名號
尚有人知之者又有羣聖大會之名稱凡欲與仙師相感孚者須要
清心寡慾上無愧於天神下無慚於屋漏法天則以助人羣篤志不
怠方能得見仙顏面領教益今日證道會中亦有會友爲仙師門徒
者仙凡有界限而實無界限者也吾人之中有爲者亦若是惟門路
尚未大開有若耶穌教主之所謂狹耳其門窄耳其路引入永生惟
尋得者極少耳仙師亦極欲收世人爲徒以教之然後使其入世界
人羣中以拯苦難以教愚頑也此卽證道會之欲引諸實心求學者
由狹門窄路而入也

弟子之道

爲弟子之道必須爲人清靜虛心向學潛心悟理以自求精進常存友愛之心誨人不倦及又能向有道而正己又必須有忍辱之心勇於宣揚實理勇於解人之受屈潛心以觀學聖學賢諸人之進步以上是登天之金梯能拾級而上者必能有攀到仁道尊者團之一日也

友愛

證道學始終最要之一語曰友愛蓋天下人人皆由大生命而來從一仁字而起仁者善之長也心之理也道之源也貧與富弱與強本

同一大人羣浮沉同受愼勿謂我閉門謝客與世相違彼世界之苦況我置之不見不聞則我可獨安享我之寬裕也其實不然若天下人民悉爲憂患餘生而我又何忍以獨樂哉因天下人民本同一大生命而來也

彼與我本無異若處好境者能實力救助人羣之苦弱者然後可望與天地同功同德與先聖同體同心然後方不負天帝生我之厚恩賦我之仁性也蓋爲人是應用其身爲作善之材然後方是盡職然後方可享爲善最樂之幸福有此善因而最超等之善果基於此矣

入證道學會之原由

諸君何由入會乎若除爾欲分受爲天下將來建設一新理想之開荒者利益之外實無由入會也本會非懇求諸君入會也只有云諸君欲與本會內諸人分嚮爲人羣造福之益則盍歸乎來如諸君尙欲仍置身會外惟愿研究其中之理則本會同人亦當與諸君各理以助諸君之研究也入會之感念與今各軍人自願爲先鋒衝頭陣之感念也無異因世間有等奮勇向前之人願自面艱辛而開崎嶇之路爲坦途以令後來者得行康莊之道其道先由有力者受非常辛苦之後而賜與其後之人以享幸福也此就是入會之理由也諸君莫存有所得之心然後入會因在會外亦可有所得入會後則於

有所得之外而反有所與人乃代衆出力爲人道中之公僕若前人之開闢民智以結成精神上兄弟之團體於將來也故若有欲樹開闢之功者自願代人羣謀後世幸福者不畏前途崎嶇而欲開康莊大道與後來使衆人智識達最高階級者盡歸乎來此就是入會之利益也自知人羣之速進由於自己之力又自知所作皆人道之事人羣實受己之益此又是一大利益也自知代天帝施恩佈其道於世得後世人之瞻仰及感激己之先見大道而助其實放光榮於黑暗世界中此亦是一大利益也世界最高之念最大之志最榮之望最可敬之心莫如爲後世人羣出力之志念也故所成之功是其平

日勞苦之報也此聖人所以一生代後世人用工之故也如諸君有欲行聖人之事者借今日證道學會之機會而入門且實心造去則更大之機會必來之於異日也今日之證道學有如先哲之所云人子遺爾以金與銀則予無有吾與爾曹者古人之命寶天下各邦人之博愛心也

證道學會址

證道學會有總會支會分設於天下諸國每國總支會亦有其支會各自創設各自主持惟會規必與總會一致總會在印度馬得刺士省亞雅(譯音)內有總會長部秘書部印務部報紙部教育部學生

宿膳部及藏書部名曰亞雅藏書室內分東西二部東部內有壹萬二千東方人手寫之書捌千卷印版之書西部內有壹萬二千卷印版之書其中多是教理哲學及各種科學總會之地產有三百英畝之多在賓哥勞灣(譯音)及亞雅河賓之處

每國最少有七處證道學會及會友

各國總支會如左

美國英國法國比國印度荷國德國奧國俄國瑞士國瑞典國意國
拿威國及各國屬土如紐司倫南斐洲威勞士保熙美阿泗水荷屬
東印度羣島古巴

各總支會及各分支會名目地會長姓名定於每歲各會週歲元月大聚會後刊登於證道學會月報上

入會門徑

凡欲入會者須向本會秘書員取一請願書將姓名填入並須將會員中介紹者二人親筆簽名於請願書上方爲合格凡有未成丁者非有父兄或管理人允許者不能入會惟作來賓聽講者看待

問津處

通信處上海北京路中華郵政局信箱第九百號本會地址在法公館馬路十二號

問津處

中華郵政箱九百號
上海證道學會